

Headlines

1. मुख्मन्त्री उमर अब्दुल्ला होरें आखेआ ऐ जे श्रीनगर च 1 लख 25 ज्हार घरें गी बगैर कटौती ते बिजली आपूर्ति दा लाहू थ्होआ'रदा ऐ जेड़ा गै शहर दी तकरीबन अब्दी आबादी ऐ।
2. जम्मू-कश्मीर सरकार नै गड्डिएं दे किराएं च 18 फीसदी दे बाद्दे गी मंजूरी देई दिती ऐ, नमां किराया 1 जनवरी 2026 थमां लागू।
3. जम्मू-कश्मीर सरकार नै रेड क्रॉस फंड-2025'26 आस्तै कर्मचारिएं थमां अपनी मर्जी मुताबक योगदान देने सरबन्धी आदेश जारी कीता ऐ।
4. जम्मू-कश्मीर दी हरमन कौर नै पुणे च राश्ट्री कला उत्सव च दुआ पुरस्कार जित्तेआ ऐ।
5. जम्मू-कश्मीर च 5 जिलें आस्तै अगले 24 घंटें दरान बर्फीले तूफान दी चेतावनी जारी कीती ऐ।

<><><><><><>

CM-Power

मुख्मन्त्री उमर अब्दुल्ला होरें घोशणा कीती ऐ जे श्रीनगर दे 108 इलाकें च 24 घंटे बिजली उपलब्ध करोआई जा'रदी ऐ। एहदे कन्नै 1 लख 25 ज्हार घरें गी यानि शैहर दी तकरीबन 48 फीसद आबादी गी लाहू होग। उनें कश्मीर पावर डिस्ट्रीब्यूशन कार्पोरेशन लिमिटेड गी एहदे लेई मुबारकबाद दिती ऐ जिनें 83 बाद्दू थाहें गी 24 घंटे बिजली उपलब्ध रौहने आहले इलाकें च आहनेआ ऐ। मुख्मन्त्री होरें इस उपलब्धि गी बड़ी महत्वै आहली करार दिता ऐ। उनें आखेआ जे इयै जनेहा ढांचा होरनें दुएं जिलें च बी कायम कीता जा'रदा ऐ तां जे हर थाह पर उपभोक्ताएं गी 24 घंटे बिजली उपलब्ध होऐ ते खित्ते च आर्थिक गतिविधिएं च बाद्दा होऐ।

<><><><><><>

JK Red Cross

जम्मू-कश्मीर सरकार नै इक आदेश जारी कीता ऐ जेदे च सारे विभागें, कारपोरेशन, लोक सेवा इकाइएँ ते खुद मुख्तेयार इकाइयें ते कर्मचारिएँ गी मंग कीती ऐ जे ओहू रैड क्रॉस फंड 2025-26 आस्तै सालाना योगदान देन। योगदान तनखा स्थाबै तय कीता गेदा ऐ जेड़ा निचले स्तर दे कर्मचारिएँ आस्तै 300 ते उप्परले स्तर दे कर्मचारिएँ आस्तै 500 रपे तय कीता गेदा ऐ। जदके मुख्मन्त्री, मंत्री, सचिव, विभागध्यक्ष, 1 ज्हार रपे बी देई सकदे न। एहू योगदान इंडिया रैड क्रॉस सोसायटी जम्मू-कश्मीर इकाई जेएण्डके बैंक, सिविल सचिवालय च देना होग। अधिकारी ते दुएँ कर्मचारी अपनी मर्जी मताबक तय कीती गेदी राशि थमां मता योगदान बी देई सकदे न।

<><><><><><>

Fares Increased

जम्मू-कश्मीर च यात्रु गड्डिएँ दे किराएँ च 18 फीसदी दा इजाफा कीता गेआ ऐ। एहू बदे दा किराया सारी श्रेणी दिएँ गड्डिएँ आस्तै 1 जनवरी 2026 थमां लागू होग। एहू फैसला प्रमुख सचिव वित्त संतोष डी. वेद्य हुंदी अध्यक्षता च होई दी फेसर रिविजन कमेटी यानि किराएँ पर पुर्नवृत्ति सरबन्धी कमेटी दी बैठक च लैता गेआ। कमेटी नै ट्रांसपोर्ट दी मंगें दी नजरसानी कीती जिंदी तरफा बददी महंगाई दे चलदे 40 फीसदी किराया बदाने आस्तै आखेआ गेआ ह। तफसीली गल्लबात दे बाच पैनल नै आम लोकें पर पौने आहले असर दा ध्यान रखदे होई दरम्याने तरीके दा बाद्दा मंजूर कीता। इस पहल दा मकसद ट्रांसपोर्टरें दे हितें दा ध्यान रखदे होई आम लोकें पर बी माली भार नेई बदाना ऐ।

<><><><><><>

Railways-Winter Rush

जम्मू रेलवे डिविजन नमें बरें ते स्यालै आहले मौसम दे मदददेनजर यात्रिएँ दे रश गी दिखदे होई पूरी चाल्ली तयार ऐ तां जे यात्रिएँ दे सफर गी सुरक्षित ते अरामदायक बनाया जाई सकै। सीनियर डिविजनल कमर्शियल मेनेजर उचित सिंघल होरें श्री माता वैश्वो देवी जी दी यात्रा पर औने आहले श्रद्धालुएँ लेई कीते गेदे खास इंतजामें गी उजागर कीता। यात्रिएँ दी सहूलत लेई बाद्दू अमला, यात्रिएँ लेई स्थूलतां, रश दे प्रबंधन, रेल दी सेई ते सटीक जानकारी उपलब्ध होग।

G Ram G Bill

ग्रामीण इलाक़ें च रौहने आहले लोकें नमें विकसित भारत रोजगार गारंटी ते आजीविका मिशन ग्रामीण कनून 2025 दा सोआगत कीता ऐ। इसदे तैहत हुन 100 दिन दे बजाए 125 दिन दा कम्म रोजगार हासिल होग। इस गैंऽ कन्नै रोजगार दे मौके बदगंन- आजीविका दी सुरक्षा-आमदन ते रोजमर्रा दियें जरूरतें गी पूरा करने च मदद थ्होग। लोकें दा आखना ऐ जे एदे कन्नै ग्रामीण अर्थ-बवस्था गी मज़बूती थ्होग ते ग्राएं च कम्मै दे होर मौके उपलब्ध होगंन। केंई सारे लोकें सरकार दी इस गैं दा सोआगत कीता ऐ। उ'नें आक्खेआ जे इसदे कन्ने लोकें दी आमदन च बाद्दा होग, बेरोजगारी घट्ट होग ते आर्थिक ते समाजी दशा च बेहतरी होग।

<><><><><><>

Kala Utsav Award

जम्मू-कश्मीर दी हरमन कौर नै पुणे च आयोजित राश्ट्रीय “कला उत्सव” च वाद्य संगीत दी एकल श्रेणी च दुई थाहर हासल करियै प्रदेश दा नां कीता ऐ। हरमन कौर दी शानदार प्रस्तुति नै उत्थै मजूद लोकें ते निणर्याक मंडल दे जजें गी बड़ा मता प्रभावत कीता- जेहदे नै प्रांतै दे सगो-सार सांस्कृतिक विरासत ते संगीत प्रतिभा गी उजागर करने दा मौका हासल होआ। एह छड़ा हरमन कौर दा गै मान नेंई सगुआं राश्ट्रीय स्तरै पर जम्मू-कश्मीर दी बधदी पंछान दी बी मसाल ऐ।

<><><><><><>

MLA Nagrota

नगरोटा थमां विधायक देवयानी राणा होरें शिड़क यातायात ते जरनैली शिड़कें सरबन्धी केंद्री मंत्री नितिन गडकरी हुंदे कन्नै मलाटी कीती ते उनेंगी नगरोटा हल्के च हाल च होई दिएं बरखें करी होए दे नुकसान बारै दस्सेआ। उनें शिड़क ढांचे गी पुजे दे नुकसान बारै इक व्यापक रिपोर्ट उनेंगी सौंपी ते समेंसिर एहदे पर लोड़चदी कार्रवाई करने दा आग्रह कीता। उनें बाबा पैड़ देवता पुल बारै बी गल्ल कीती जिसी बड़ा मता नुकसान होआ हा। उनें प्रभावित इलाक़ें च शिड़क राबता परतिए बहालकरने लेई फौरी कार्रवाई दी अपील कीती।

<><><><><><>

Env Comm Kathua Visit

जम्मू-कश्मीर विधानसभा की पर्यावरण सरबन्धी कमेटी नै अध्यक्ष मोहम्मद युसुफ तारीगामी हुंदी सरपरस्ती च कठुआ की सिडको इंडस्ट्रियल एस्टेट, घाटुआ की दौरा लाया ते हितधारकें कननै गल्लबात कीती। कमेटी नै औद्योगिक गतिविधिएं कारण पर्यावरण पर असर बारै बी जानकारी लैती। कमेटी गी इखितयार दित्ता गेआ ऐ जे ओहू औद्योगिक सरबन्धी कचरे की इंसानी सेहत, रूख-बूहूअे, जनौरें ते राईबाई आहली जमीन पर असर की आंकलन करै। इक प्रतिनिधिमंडल नै कालना भटोड़ी ग्राएं की कोल सीमेंट की फैक्टरी लाने आस्तै प्रस्तावित जमीन की अधिग्रहण पर ऐतराज जाहिर कीता। उंदा आखना हा जे ओहू थाहू राई-बाई पर गै मुख्त तौर पर आश्रित ऐ ते रेड कैटेगरी जोन च आंदी ऐ।

<><><><><><>

Avalanche-Alert

हाल च होई की भारी बर्फबारी की चलदी प्रशासन नै डोडा, गांदरबल, किशतवाड़, पुंछ ते रामबन जिलें आस्ते अगले 24 घंटें दौरान घट्ट जोखम आहले बर्फ की तूफान औने की पेशगोई कीती ऐ। उच्चिण धारें पर रौहने आहले लोकें ते यात्रिण गी सलाह दित्ती गेई ऐ जे ओहू पूरी एहतियात बरतन। मुकामी प्रशासन गी बी आखेआ गेआ ऐ जे ओहू सौहगा रौहन ते सारियां तयारियां करिए रखन तां जे पैदा होई सकने आहली कुसै बी स्थिति कन्नै निब्बड़ेआ जाई सकै।

<><><><><><>

Traffic Challans

ट्रैफिक पुलिस नै जम्मू-श्रीनगर राश्ट्री जरनैली शिड़क पर सुरक्षा गी होर बेहतर करने लेई नियमें की पालमा यकीनी बनाने लेई व्यापक कार्रवाई शुरू कीती ऐ। एसएसपी ट्रैफिक राजा आदिल हामिद होरें आखेआ जे इस महीने की 22 तरीक थमां 79 जहार गड्डिण दे चलान कीते गए न ते 2 करोड़ 50 लख रपे की जुर्माना बी बसूल कीता गेआ ऐ।

<><><><><><>